

# Lilanga Lemhlaba



## Lekufundza Uphimisele kanye naNal'ibali

Tindzaba tinemandla! *Umzuzu wekugcina*, ibhalwe ngumbhali lowaklonyeliswa umklomelo, Zukiswa Wanner, imidwebho yayo idwetiwe ngumdwebi wemakhathuni waseNingizimu Afrika lodvumile, Rico. Fundzela bantfwana labasemphilweni yakho kuleLilanga Lemhlaba Lekufundza Uphimisele, mhla lu-1 Indlovana 2018.



### Imisebenti le-5 YeLilanga Lemhlaba Lekufundza Uphimisele

1. Fundzela bantfwana bakho nalabanye indzaba, *Umzuzu wekugcina*, ekhasini le-2 nele-3. Tetayete kuyifundza ngekuphimisele emahlandla lambalwa ngembi kwekutsi uyifundzele bantfwana futsi ukhumbule kuntjintjantjintja livi lakho nawufundza ngekuya kwemavi lasenzabeni.
2. Ngembi kwekutsi ufundze lendzaba, buta labantfwana kutsi bake bayidlala yini ibhola yetinyawo phambilini, bake bawubukela yini umdlalo webhola bulanti noma kumabonakudze. Bakhutsate kutsi babelane nawe ngaloko labahlangabetene nako.
3. Ngemuva kwekufundza lendzaba, khutsata bantfwana bakho kutsi bayihumushe ngekubacela kutsi badwebe noma bapende sifombe sencenye labayitsanzako.
4. Hlela Kusa-Kwekuhlangana-Nendzaba ngelilanga Lemhlaba Lekufundza Uphimisele noma ngemphelasontfo. Mema bantfwana kutsi babekhona kanye nebatali babo. Batise bonkhe tincwadzi lotatiko kutsi tenta tindzaba letimnandzi tekufundza uphimisele ngekubafundzela letincwadzi.
5. Yenta akho emaphosta eLilanga Lemhlaba Lekufundza Uphimisele langa-2018 kucaphelisa bantfu ngekubaluleka kwalelinga. Ukanye nebantfwana, sikani nikhiphe tinhlavu temagama netifombe kumaphephabhuku nakumaphephandzaba, dvwebani tiffombe, bhalani enu emagama nemisho, bese nisebentisa tiffombe letikuwebhusayithi yakaNal'ibali (yani ku"Story supplies" ku-[www.nalibali.org](http://www.nalibali.org)). Yenta sakho sicubulo, noma usebentise lesi setfu – Yabelana ngendzaba namuhla!



### Tinzuzo leti-8 tekufundza uphimisele

Kufundzela bantfwana bakho uphimisele:

- kubakhombisa kutsi tincwadzi nekufundza kuligugu kuwe.
- kukunika tintfo longacocisana nabo ngato.
- kujulisa budlelwane emkhatsini wakho nabo.
- kubenta kutsi batsatse kufundza njengentfo leyenetisanako.
- kubakhutsata kutsi bakwati kutifundzela nekutsi bahlale njalo bafundza.
- kubakhombisa kutsi sifundza kanjani nekutsi tincwadzi tisebenta kanjani.
- kubenta kutsi batfokotele tindzaba letingetulu kwelikhono labo lekufundza lamanje.
- kutfufukisa silulumagama sabo nemakhono elulwimi.



### Ungatibandzakanya kanjani

Yani ku-[www.nalibali.org](http://www.nalibali.org) nome ku-[www.nalibali.mobi](http://www.nalibali.mobi) kute ubhalise umndeni wakho, iklabhu yekufundza nome sikolwa ubuye usite wente leLilanga Lemhlaba Lekufundza Uphimisele libe yimphumelelo lenkhulu eNingizimu Afrika!

# Umzuzu wekugcina

Indzaba ibhalwe nguZukiswa Wanner

Imidwebo idwetjwe nguRico

Ihunyushwe nguBB Malangwane

"Ngitawufaka emagoli lamabili namuhla, Babe," kusho Neo agcoka emakhokho akhe.

"Futsi ngitawulekelela ngekwengeta emagoli lamatsatfu kulawo, Malume," kusho Priya losandza kufika ekhaboNeo nemnakabo lomncane, Rahul. Rahul bekaphetse ivuvuzela yakhe lebovu tju.


Babe waNeo wahleka. "Kuhle-ke, sengilangatelela kubongelela lokuphindwe kasihlanu-ke!"

"Nami futsi, Malume! Ngingabongelela nami?" kwabuta Rahul.

"Kunjalo, mfana wami," kusho babe waNeo asita Mbali kugcoka ticatfulo takhe. "Manje, asihambeni!"

Bangena emotweni bonkhe. Neo wahlala embili. Abeke wahlala lapho emahlandla lamaningi phambilini. Abenesiciniseko sekutsi uma babe wakhe angamvumela, masinyane nje imilente yakhe naseyimidze ngalokwanele, utawukhona kushayela lemoto. Kubukeka kulula. Rahul naPriya bahlala ngemuva bafaka Mbali emkhatsini wabo. Bamkitalakita wase uyagegetseka.


Batsi bangakateleli, babe sebasenkundleni yelibhola letinyawo. Befika ngesikhatsi lesikahle sekutsi Priya naNeo bahlangane nebalingani babo beMaqhawe Football Club khona batotilungiselela. Bebadlala neDiamond Football Club namuhla.



"Khumbulani kwenta siciniseko sekutsi niyakucedza lokucwebetela kwalawo maDiamond ngendlela yekutsi emva kwalomdlalo balintjintje ligama labo bese baba yiCoal Football Club," kusho umcecheshi wabo.

Kwase kuba sikhatsi sekutsi badlali bagijime bangene enkundleni. Lompempe wayishaya impempe yakhe wabese uyacala umdlalo.

Tintfo tacala kancane, kodwa masinyane nje taphakama. Bekunemsindvo lomkhulu ngesikhatsi imindeneni yalabantwana bamacembu omabili babongelela. Ibhola beyiba sendzaweni enye yenkhundla yebhola kancane, kutsi lapho sekubukeka kwangatsi sebasondzela kusigamu lesinye, munye webadlali ayitsatse ibhola abaleke nayo! Umdlalo wachubeka kanjalo kwate kwaba sigamu sekucala semdlalo.



"Sengiphelelwa sineke! Utsembise kutsi utawufaka emagoli," Rahul watjela Neo naPriya ngesikhatsi befika emgqeni loseceleni.

"Ya. Mbali ufuna emagoli, Mbali ufuna emagoli," kuphindza Mbali. "Mbali sewuyetela," wengeta atamula. Neo naPriya bamane bahleka nje base bayagijima babuyela emuva kubalingani babo.



Yabelana ngendzaba namuhla!



Impempe yakhala, badlali base bayagijima babuyela enkhundleni kusigamu sesibili. Umdlalo wachubeka ngalokufanako njengoba tintfo betenteka esigamini sekucala ... kwate kwasala umzuzu munye vo!

Neo watfola ibhola. Wabuka emaceleni kubona kutsi ngabe ukhona yini weDiamond Football Club edvute naye. Cha, bekayedwa. Wagijima waya embili, adilibula lelibhola. Masinyane nje kwavela umdlali weDiamond Football Club. Neo wambuka ekhatsi emehlweni ngesikhatsi akhahlela lelibhola liphuma emkhatsi wemilente yalomunye umdlali. Tibukeli tamemeta ngenjabulo.

Lomunye umdlali weDiamond Football Club wasuka wacondza kuNeo kuyomhlasela. Masinyane, Neo wayendlulisela kuPriya ibhola.

Wonkhe umuntfu wabamba umoya ngesikhatsi Priya atsatsa ibhola ayikhahlela kakhulu. **LADUMA!** Umvimbimagoli weDiamond Football Club abengakayiboni nekuyibona lebhola nayita! Priya wase alifake ligoli.



Akubanga ngumzuzwana ngekushesha lokukhulu. Watsi nakagucuka nje kujabulela leligoli, lompempe wayishaya impempe yekugcina! IMaqhawe Football Club bese iwuwinile lomdlalo.

Neo wajabula kakhulu ngangekutsi wagijima wacondza kuPriya wafike wamtsatsa wamphakamisela etulu!



Bagijima kanyekanye bacondza kubalingani babo nemcecheshi eceleni kwenkhundla, bonkhe base bayadebha. BoPriya naNeo base bayagijima baya kubabe waNeo. Rahul bekavutsela ivuvuzela yakhe kakhulu.

"Indlela lenidlale ngayo nifanelwe kutsi nitfole i-ayisikhilimu, Priya naNeo," kwasho babe waNeo. "Letihlabani tetfu letimbili tingakutsandza yini loko?"

"Yebo! Singayitsandza i-ayisikhilimu," Mbali wabaphendvulela. Bahleka bonkhe.

Neo waphakamisa Mbali wammema ngesikhatsi bahamba bayotsenga i-ayisikhilimu. Nanoma nje abengakawafaki emagoli lamabili njengobe bekafuna, kodwa usite umngani wakhe wafaka ligoli lekuwina! Priya yena? Bekajabule kakhulu ngoba bekuligoli lakhe lekucala ngca lake walifakela iMqhawe Football Club. Lomsindvo wevuvuzela yaRahul bewufana nemculo lomnandzi nje lobewudlalelwa yena.





## Yakha imbeji!

1. Sika ulandzele lomugca lobovu lonemacashati kute usike ukhiphe lembeji.
2. Faka lesifombe umbala.
3. Sika ukhiphe siyingi lesilingana nalembeji ngebukhulu ekhadibhodini lelilula, sibonelo, libhokisi lesiriyeli.
4. Sebentisa iglu kunamatsisela letimbeji kulelikhadibhodi.
5. Sebentisa itheyiphu lenamatselako noma imaskintheyiphu kute unamatsisele sipenede ngemuva kwembeji. Noma uvule imbobo ngetulu bese utfungela insontfo noma intsambo iphume lapha kuyo kute kutsi ukwati kuyigaba entsanyeni yakho.
6. Kujabulele kufaka imbeji yakho ngesikhatsi ufundza futsi ulalele tinganekwane ngelilanga Lemhlaba Lekufundza Uphimisele.

Sifumelele sitfombe sebantfwana bakho netimbeji tabo telilanga Lemhlaba Lekufundza Uphimisele. Sifumelele ngenchwadzigezi ku: [info@nalibali.org](mailto:info@nalibali.org) noma wabelane ngato emakhasini eFacebook!



## Mayelana naNal'ibali

Nal'ibali (ligama leSichosa leliso kutsi "Nayi indzaba") ngumkhankhaso wavelonkhe wekufundzela kutijabulisa. Ufuna kuvusa nekujulisa lisiko lekufundza eNingizimu Afrika yonkhe kute kutsi kufundza, kubhala nekwabelana ngetindzaba – ngato tonkhe tilwimi taseNingizimu

Afrika kube yincenye yemphilo yemalanga onkhe.



Bantfwana labatungeletwe yimibhalo futsi benganywe tindzaba letinkhulu letingetilwimi labativako, babanekhaphunkhaphu yekufuna kwati, bayatetsemba futsi baba nemdlandla wekufundza. Bavamise

kutsi babe bafundzi, futsi benta kahle esikolweni kuto tonkhe tifundvo. Tindzaba tiftufukisa silulumagama, tikhaphisa ingcondvo tiphindze tikhulise emandla ebantfwana ekubona tintfo ngemhlo engcondvo.

Kusukela nga-2012, iNal'ibali seyisebente netive letehlukene, tinhlango temmango kanye nebaligani bayo ngekwe-mabhizinisi kucinisekisa kutsi wonkhe umntfwana waseNingizimu Afrika ufolo ematfuba ekutsandza tincwadzi netindzaba. Balingani betfu lababasunguli bafaka ekhatsi: iDG Murry Trust, PRAESA (Project for the Study of Alternative Education in South Africa) kanye neTiso Blackstar (Ilebeyatiwa ngekutsi, yiTimes Media). Ngekwe-skelo luhlelo, kucechesha kanye netinsitakufundza letisezingeni lelisetulu, iNal'ibali isita kukhulisa sive sebantfu labafundzako.

iNal'ibali ikhona kute kutsi ikukhutsate futsi ikwesekela. **Sitsintse ngekusishayela** lucingo noma ushayele sikhungo setfu setincingo ku: **02 11 80 40 80**, noma nganoma nguyiphi yaletindlela leti: